

## CONVOCATORIA DE ACTIVIDADES DE VERÁN DO CENTRO DE LINGUAS MODERNAS (CLM)

A Universidade de Santiago de Compostela convoca as actividades de verán 2024 do Centro de Linguas Modernas, dirixidas ao alumnado da universidade como servizo de apoio complementario á educación universitaria, ao resto da comunidade universitaria e a calquera persoa interesada maior de 18 anos, de conformidade coas seguintes

### BASES

#### 1. Actividades ofertadas

No verán 2024 impartiranse as seguintes actividades formativas cuxos detalles poden consultarse no Anexo:

Catalán INICIAL – curso presencial

Francés INICIAL – curso presencial

Francés INTERMEDIO – curso presencial

Inglés INTERMEDIO – curso presencial

Turco INICIAL – curso en liña

#### 2. Recoñecemento e créditos ECTS

A asistencia mínima ao 80% das sesións programadas, a participación activa na clase, a realización das tarefas encomendadas e a superación da correspondente avaliación dará dereito á emisión dun diploma de aptitude coa denominación da actividade, nivel (inicial / intermedio /avanzado) a que corresponde e o número de horas.

Estas actividades poderanlle ser recoñecidas con créditos ECTS (en xeral, 1 ECTS por cada 25h) ao alumnado da USC segundo o [Acordo do Consello de Goberno](#) do 28 de maio de 2019, sobre recoñecemento de créditos nos títulos de grao.

#### 3. Test de nivel

Para participar nos Cursos de FRANCÉS de nivel intermedio e no Curso de INGLÉS de nivel Intermedio é preciso realizar un test de nivel, gratuíto, que poderá ser presencial e/ou en liña, para o cal haberá que inscribirse previamente segundo o calendario que se pode consultar no Anexo.

A inscrición no test de nivel farase por Internet dende a [páxina web do CLM](#). As persoas inscritas no test de nivel recibirán unha indicación do lugar do test por correo electrónico. No caso de dúbidas poden dirixirse a [clm@usc.gal](mailto:clm@usc.gal)

Os resultados dos test de nivel publicaranse na Secretaría Virtual do alumnado.

O nivel acadado no test de clasificación non acredita o nivel actual, senón que só indica o nivel solicitado para poder matricularse no curso elixido.

Cando se teña o resultado do test de nivel, as persoas interesadas xa poderán matricularse.

#### 4. Matrícula

As persoas interesadas nas actividades de nivel inicial poderá matricularse directamente. As restantes terán que facer previamente o test de nivel indicado na alíña anterior.

A matrícula farase por Internet dende a páxina web do CLM <<http://www.usc.gal/clm>> nos prazos indicados no Anexo.

A matrícula comporta o pagamento das seguintes tarifas.

Curso	Tarifa ordinaria	Tarifa USC	Tarifa Alumnado USC
Catalán	160 €	104 €	<b>Matrícula gratuita</b> para estudantes de mobilidade a universidades catalás (subvención do Institut Ramón Llull)
Francés	100 €	65 €	52,50 €
Francés	100 €	65 €	52,50 €
Inglés	100 €	65 €	52,50 €
Turco	100 €	65 €	52,50 €

Nestas actividades non é de aplicación o réxime de exencións ou subvencións á matrícula que rexe para os estudos universitarios ordinarios.

No caso de problemas coa matrícula en liña deben remitir unha incidencia ao enderezo [clm@usc.gal](mailto:clm@usc.gal) e seguir as indicacións recibidas.

Non se poñerán en marcha os cursos que non acaden o **mínimo de 4 persoas matriculadas**. No caso de anulación da actividade polo CLM, o alumnado ten dereito á devolución da matrícula. A renuncia á matrícula por causas alleas á Universidade non dará dereito á devolución do seu importe.

#### 5. Seguro

Agás as persoas que realizan os seus estudos no CLM da USC única e exclusivamente en liña e en ningún momento permanezan nas instalacións da USC, todas as persoas, nacionais ou estranxeiras, que non están cubertas polo seguro escolar obrigatorio do INSS, por non ter formalizada matrícula en estudos oficiais na USC no curso académico correspondente ou ben, sendo alumnos/as da USC neste curso son de nacionalidade estranxeira ou nacionais maiores de 28 anos e non teñan contratado este seguro nos estudos nos que formalizaron matrícula, deben subscribir o seguro de accidentes e asistencia en viaxe establecido como obrigatorio polo Acordo do Consello de Goberno do 26 de xuño de 2009. Máis información en: <<http://www.usc.es/gl/servizos/sxe/seguros.html>>.

O custo do seguro no curso académico 2023-2024 é de 17,50€ e poderá contratarse antes da chegada á USC.

#### 6. Información

CENTRO DE LINGUAS MODERNAS (CLM)

Avda. das Ciencias 7, 1º

Campus Vida – Santiago de Compostela

Tel.: 8818 14443

Correo electrónico: [clm@usc.gal](mailto:clm@usc.gal)

CENTRO DE LINGUAS MODERNAS (CLM)

Aulario da facultade de Humanidades

Sala de profesores do CLM (Lugo)

Tel.: 982 82 606

Correo electrónico: [clm@usc.gal](mailto:clm@usc.gal)

Contra a presente resolución, que esgota a vía administrativa, poderase interpoñer recurso contencioso-administrativo perante o xulgado do contencioso-administrativo de Santiago de Compostela ou Lugo, no prazo de dous meses a contar desde o día seguinte á súa publicación, de conformidade cos artigos 46 e 8.2.a) da Lei da xurisdición contencioso-administrativa, aprobada pola Lei 29/1998, do 13 de xullo.

Non obstante, as persoas interesadas poderán interpoñer recurso potestativo de reposición no prazo dun mes perante o órgano que o ditou. Neste caso non se poderá interpoñer o recurso contencioso-administrativo anteriormente indicado en tanto non haxa resolución expresa ou presunta do recurso administrativo de reposición, ao abeiro dos artigos 123 e 124 da lei 39/2015, de 1 de outubro de procedemento administrativo común das administracións públicas.

Santiago de Compostela, na data da sinatura dixital

O reitor

P. D. de competencias, R.R. do 21 abril 2022 (DOG 26 abril 2022)

O xerente

Javier Ferreira Fernández

## ANEXO Cursos CLM de verán 2024 no Campus Santiago e en liña

Nome do curso Nivel	Nivel MECRL orientativo	Horas, modalidade lugar	Número de grupos	Número de prazas	Inscripción no Test de nivel Realización do Test	Prazo de matrícula	Calendario das clases	Tarifas: 1º Estudiantes USC 2º Comunidade USC 3º externos
Curso de Catalán INICIAL	A2.1	40: 30h presenciais e 10h de traballo autónomo Fac. de Filoloxía, Aula B08 Campus Norte	1	15	-	1/06/24 20/06/24	25/06 – 5/07 9:30h-13h	1º de balde 2º 104 € 3º 160 €
Curso de Francés INICIAL	A1.1-A1	25: 20h presenciais e 5 h de traballo autónomo Campus Sur	1	15	-	1/06/24 12/06/2024	17/06 –28/06 10h a 12h	1º 52,50 € 2º 60 € 3º 100 €
Curso de Francés INTERMEDIO	A2-B1	25: 20h presenciais e 5 h de traballo autónomo Campus Sur	1	15	1/06 – 4/07 28/06/2024, 12h30 Campus Sur	1/06/24 4/07/24	8/07– 19/07 10h a 12h	1º 52,50 € 2º 65 € 3º 100 €
Curso de Inglés INTERMEDIO	B1	25: 20h presenciais e 5 h de traballo autónomo Campus Sur	1	15	1/06 – 1/07 1/07/2024, 10:30 Campus Sur	1/06/24 4/07/24	9/07-22/07 10h-12h	1º 52,50 € 2º 60 € 3º 100 €
Curso de Turco INICIAL	A1.1-A1	25: 20h en liña e 5 h de traballo autónomo En liña	1	15	-	1/06/24 12/06/24	17/06-12/07 Pola mañá*	1º 52,50 € 2º 60 € 3º 100 €

\*O horario exacto será indicado na aplicación da matrícula.

As actividades recollidas neste Anexo poderán sufrir cambios por motivos da organización.

## Sinatura dixital / Firma digital / Digital signature

**Asinante/Firmante/Signer:** ANTONIO JAVIER FERREIRA FERNANDEZ, XERENTE, UNIVERSIDAD DE SANTIAGO DE COMPOSTELA, 24/05/2024 12:46:02.

**CSV:** 9A83-B431-4E40-898B